

AUGLÝSING

um deiliskipulag í Reykjavík.

Mýrargötureitur, deiliskipulag.

Samkvæmt skipulags- og byggingarlögum hefur borgarráð Reykjavíkur þann 31. ágúst 1999 samþykkt deiliskipulag reits sem markast af Bakkastíg, Nýlendugötu, Seljavegi og Mýrargötu.

Deiliskipulagið hefur verið sent Skipulagsstofnun til yfirferðar.
Skipulagið öðlast þegar gildi.

Reykjavík, 7. janúar 2000

Þorvaldur S. Þorvaldsson skipulagsstjóri.

AUGLÝSING

um staðfestingu á breytingu á aðalskipulagi Reykjavíkur 1996-2016, Suðurhlíð 35.

Samkvæmt skipulags- og byggingarlögum nr. 73/1997 hefur ráðherra þann 6. janúar 2000 staðfest breytingu á aðalskipulagi Reykjavíkur 1996-2016.

Breytt er landnotkun á lóðinni Suðurhlíð 35 úr útivistarsvæði til sérstakra nota (gróðrastöð) í blandað svæði fyrir verslunar- og þjónustumiðstöð og íbúðarsvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki Borgarráðs Reykjavíkur. Skipulagsstofnun hefur afgreitt erindið til staðfestingar.

Umhverfisráðuneytinu, 6. janúar 2000.

Siv Friðleifsdóttir.

Magnús Jóhannesson.

AUGLÝSING

ríkisskattstjóra nr. 4/2000.

Auglýsing frá ríkisskattstjóra um reikning fyrninga og vaxta vegna kaupleigu eða fjármögnunarleigu fólksbifreiða skv. 4. tölul. 52. gr. laga nr. 75/1981, um tekjuskatt og eignarskatt, með síðari breytingum.

Ríkisskattstjóri hefur ákveðið að eftirfarandi reglur skuli gilda gjaldárið 2000 við útreikning frádráttarbærs hluta leigugreiðslna vegna kaupleigu eða fjármögnunarleigu á fólksbifreiðum fyrir færri en 9 menn að undanskildum leigubifreiðum:

1. Fyrningargrunnur telst vera kaupverð bifreiðar eins og það er ákveðið við kaup leigusala (fjármögnunarleigu- eða kaupleigufyrirtækis) á viðkomandi bifreið.
2. Fyrningargrunnur rekstrarársins 1998 framreiknast samkvæmt verðbreytingarstuðli ríkisskattstjóra fyrir árið 1999.

3. Til frádráttar hjá leigutaka á rekstrarárinu 1999 telst 10% fyrning af fyrningargrunni skv. 1. eða 2. tölul. hér að framan, að viðbættum 8,6% vöxtum reiknuðum hlutfallslega miðað við upphaf eða lok leigutíma á árinu 1999. Vextir reiknast af fyrningargrunni þegar frá hefur verið dregin framreiknuð fyrning fyrri ára.
4. Fyrning skv. 3. tölul. hér að framan er heimil að fullu rekstrarárið 1999 hvort sem leigutímabilið hefst eða því lýkur á því ári.

Reykjavík, 4. janúar 2000.

Indriði H. Þorláksson ríkisskattstjóri.

AUGLÝSING

um breytingu á deiliskipulagi í Hraunsholti, Ásum í Garðabæ, lóð nr. 13-17 við Arnarás.

Bæjarstjórn Garðabæjar hefur samþykkt breytingu á deiliskipulagi í Hraunsholti, Ásum í Garðabæ, lóð nr. 13-17 við Arnarás sem er lóð undir fjölbýlishús. Breytingin felst í því að hámarks nýtingarhlutfall lóðar verður 0,47 í stað 0,4. Deiliskipulagsbreytingin hefur fengið meðferð í samræmi við 1. mgr. 26. gr. laga nr. 73/1997.

Breytingin öðlast gildi við birtingu þessarar auglýsingar.

Garðabæ, 4. janúar 2000.

F.h. Garðabæjar,

Bergljót S. Einarsdóttir skipulagsfulltrúi.

AUGLÝSING

um deiliskipulag í Borgarbyggð.

Deiliskipulag 1., 2., og 3. áfanga frístundabyggðar í landi Arnbjargalækjar.

Bæjarstjórn Borgarbyggðar hefur samþykkt ofangreint skipulag.

Deiliskipulagið hefur fengið meðferð samkvæmt ákvæðum 18. gr. og 25. gr. skipulags- og byggingarlaga nr. 73/1997 með síðari breytingum. Deiliskipulagið hefur verið yfirfarið af Skipulagsstofnun samkvæmt lögum nr. 73/1997.

Ofangreint skipulag öðlast þegar gildi.

Deiliskipulag athafnasvæðis við Sólbakka, Borgarnesi.

Bæjarstjórn Borgarbyggðar hefur samþykkt ofangreint skipulag.

Deiliskipulagið hefur fengið meðferð samkvæmt ákvæðum 18. gr. og 25. gr. skipulags- og byggingarlaga nr. 73/1997 með síðari breytingum. Deiliskipulagið hefur verið yfirfarið af Skipulagsstofnun samkvæmt lögum nr. 73/1997.

Ofangreint skipulag öðlast þegar gildi.

Borgarnesi, 6. janúar 2000.

Bæjarverkfræðingur Borgarbyggðar,

Sigurður P. Harðarson.